

QVÆSTIO MEDICA

QVODLIBETARIIS DISPUTATIONIBVS

MANE DISCVTIENDA

IN SCHOLIS MEDICORVM DIE IOVIS XVI. IANVARII.

M. NICOLAO BRAYER, Doctore Medico, Præsîde.

An quæ hydrargyro non cedit Syphilis, hidroticis percuranda?

I.

SYPHILIS priscis non ignota, indis vernacula, nostratibus turpioris intemperantiæ morbus, hominum ita propria, ut cum brutis animantibus non sit communis, aptè tamen belluina dicitur. Calida est jecoris intemperies, non nuda, virulenta, contagiosa, naturæ functiones per se primò lædens; eam excitat morbida excretio ex tinctisectis semper adveniens, fovet humor quilibet, non ex æquo omnis, nec usquam sine pituorosi admistione, is præter calorem & acrimoniam qualitatem inexplicabili malignitate deleteriam, eamque materialem sortitus fontes & infontes corripit: illos contactu, hos & fomite, nemini innascitur. Qui incesserit retegunt ulcera, & à quâ parte initium sumperit, demonstrant: in lactentibus inuruntur ori, in lactantibus mammis aut eorum papillis, in obstetricantibus digitis, in sibi osculo blandientibus labiis, in combibonibus faucibus, in scortatoribus pudendis: & horum alia externa sunt, interna alia; illa humoris genitalis virulenti; hæc halitus ejusdem appulsu inferuntur; ab his *suboritur & quæ præcipue ad illius* impendentis rudimenta, signaque prænuntia, & quidem non infida extenorum in pudendis ulcerum, & bubonum in inguinibus accessione. Per ea cuicumque corporis parti impressa ejus seminarij vis & virtus viam sibi facit ad interiora, & pedetentim tacitoque ac latenti progressu ad hepar (tanquam malo eligente in eo grassari) manat conceditque, cui, ut pestis cordi, venenata vis in demorsis à cane in rabiem actò cerebro bellum indicit, cæcis lentæ putredinis ignibus ipsum alterando temperiem evertit, æstum imprimit, malignam labem opere plurimo eluendam infligit, spiritus, sanguinem, reliquos humores exilibus ipsius venis coercitos ac pituitosum imprimis & per parenchyma quoquoeversum diffusos inquinat insicitque, quorum dein *deinde & quæ præcipue ad illius* ocyus foras remigrat & longè latèrque serpit, partiumque omnium etiam solidissimarum substantiam penitus subiens pervadensque labefactat, corrumpit, exest vel comminuit, unde numerosi pullulant affectus specie & sedibus discreti. Frons superciliis nuda, palpebræ ciliis, nares vibrissis, labra & mentum pilis, capillis caput, cutis crebris maculis, modò rubris, modò flavis, lentiginis instar, deformis; pustulæ rubræ, rotundæ, latæ ac depressæ, in ambitu duriores, puris expertes, in fronte primum, temporibus & ponè aures, tum in capite & reliquo corpore extuberantes; verrucæ sessiles, teretes, basi latiore, in natibus & pudendis erumpentes, & in ulcera, ut pustulæ degenerantes; ulcera sordida & callosa, interdum depascentia, quæ nonnunquam carcinomatis naturam induunt; ex vuulâ penitus exesâ orationis libertas intercepta; dolores in mediis artubus, capite, scapulis atroces, noctu ingravescentes, topis succrescentibus atrociores, quos adeò indurescere contingit, ut ossium duritiem mentiantur, & ab exostosi ex facili non distinguantur; clavicularam in latitudinem incrementum fide majus; ossium alia partibus circumjectis illæsis carie consumuntur; ut

ensis fulminis cuiusdam ictu atteritur integrâ vaginâ; alia iis sauciatis excidunt, ut nasi & palati; illorum iacturâ sumitas inducitur; horum vocis articulatio aboletur; hæc arte non naturâ; illa neutrâ reparatur. Hi omnes affectus luis venereæ lascivientis propa- gines se probant, cum non indole suâ, nec partis affectu conditione, sed unius veneni malignitate præfidiorum vulgarium ex arte adhibitorum vim aut elidunt, aut eludunt; ipsum verò invictum perstat, etiam humore, cui inhæret, corrupto aut in aliam sub- stantiam converso: hinc est, quod cum semine in natos abire ex traduce, graves post ali- quot annos & exitiosas subdolæ suæ pernicipi notas proditurum: tamen in parentibus perobscura subsint prægressæ luis vestigia & longè antehac præteritorum potius reco- datione, quàm sensibus nota, adeo ut nemo liberum se ab hac ægritudine certò profi- teri possit, nisi qui ea nusquam laboraverit, quamquam hydrargyrum & hidrotica tanquam omnis syphilidis ἀπαλλοτρίωσις ætas nostra demiretur, & acri castigatogue ju- dicio examinata ratio præsentanea censeat remedia, quæ usus (cujus in his magna est autoritas) saluberrima comprobet.

II.

HIS siquidem duobus præfidiorum generibus syphilis omnis morbi que illius con- fectarij, tamen si contumaces percurantur; tutò, corpore & humoribus per mis- sionem sanguinis, catharsin, balneum aquæ egelidæ & conveniens victus genus prius contemperatis; tum rescissi penitus causas omnibus cum excitantibus, tum foven- tibus continuâ sputi mucosi profusione & copiosis roto corpore obortis sudoribus: illam concitat hydrargyrum: hos promovent hidrotica, vapotarium videlicet & deco- ctum corticis vel ligni utriusque Guajaci ac præsertim interioris fusci, gommosi pon- dere suo æstimandi, sarçæ parillæ; radicis Sinarum gravis & candicans potius, quam buxi, corticis juniperi, scordij & similium tepidum epotum, quod tenuitate suâ hu- mores visciditatis cuiusdam participes in visceris principis nutritij secessibus hærentes aut illius parenchymati altius impactos incidit, calore attenuat & cum serosis in vapo- res resolvit, quos in corporis ambitum amandat propellitque, aeris verò circumfusi te- por ac etiam fervor à vaporario evocat elicitque & himembranarum occursum densati cacis universæ cutis spiraculis referatis in sudorem uberrimum toto corpore guttatim & exhalando manantem abeunt faciesque, adeo ut cum eo virus venereum cum in- teriores, tum exteriores partes occupans expiret omne. Hydrargyrum velut quædam virtus superior crassum lenrumque quemvis humorem ab inernis externisque corporis partibus remotissimis in fauces & os sputando excernendum regerit. Papulas autem de- turpantes exsiccat, ulcera ad cicatricem perducit, callosas ipsorum oras, ossium tumo- res & circa ipsorum membranas aut musculorum tendines topicos concretos & indura- tos mirabili nec satis perspectâ suâ tenuitate humiditati conjuncta emollit, incidit & sic dissolvit, ut lubrico humore confluere aptos efficiat, & quidem intrò assumpta, inun- cta, admota, vel ex eâ aut cinnabari ejus sobole paratus suffitus. Quæ certè præstare omnia non potest, nisi in hepar luis venereæ sedem præcipuam cæterasque partes mor- bis ab eâ profectis contaminatas, ut in subactas pelles sese insinuet, permeetque, quarum æstium frigore suo contemperat, malignam labem inustam eluit aut extin- guit repressâ putredine & singulari purgandi vi, quâ pollet humores noxios venenata qualitate inquinatos lentore suo & crassitie pervicaces ab iis exigit: verum idcirco fol- lis duntaxat & è propria venâ scaturiens quâvis arte parat præstantior in usum ve- niat, nec prius, quam suis inquinamentis abundè sit repurgata.

III.

LVIS venereæ una est essentia, sedes una, mos non unus, causa multiplex, or- dines varij. moris & causarum diversitas à veneni viribus & humoris, cui insidet naturâ petitur; ut ordinis varietas à partium positu & substantiâ, quibus ab eâ pronati affectus, sive symptomata tantum sint, sive præterea morbi, inhærescunt. Ab his ca-

pitibus curatio difficilis existit, quam qui uni naturæ concederet, non satis intelligere se comprobaret, nec quid ipsa possit, nec in quo veneni natura posita sit, à quo morbus malè moratus *δυσαναμάχης* est, non omnis perinde. Curandi difficultate & in recidivas proclivitate cæteris antestat lues venerea, ex minima virulenti humoris, qui eam aluit, vel ab eâ ortos affectus excitavit, portione post curationem supersit etiam in extimis corporis partibus (præter aliorum venenorum naturam) post decem, viginti aut etiam plures annos, eadem suis omnibus comitata symptomata, si negligitur, recrudescit, & pari feritate repetit atque etiam majore: non secus ac incendium nonnunquam majus, ex levioris scintillâ, si permittitur, oritur: in quo pestem inolecentis generis humani tonsuram malignitate superat, quæ tamen si sæpenumero ac ferè semper in nonnullis corporis affectibus sui ad multos annos relinquat impressum vestigium vix eluibile, quod doloris identidem recurrentis sensu non optandam præteritæ luis memoriam refricat, ab eo nusquam tamen repullulat, licet in eam pronior sit lapsus. Ab humoris partisque, cui is infixus est substantiâ & peculiari ægotantis constitutione ea curationis difficultas interdum emergit, quam nec hydragyrus quidem potentissimum alexipharmacum vincit, quamquàm virus sic obtundat, ut compresso illius maleficio extinctum videatur, & merito crederetur, nisi postliminiò eadem lues suorum symptomatum stipata satellitio rediens dilatam non ablatam perniciem revinceret.

IV.

SYPHILIDIS curatio alieni humoris veneni labe & pernicië aspersi vacuatione & neoterismo jecoris è naturâ egressi cæterarumque partium, quas illius prodromi aut consecutarij morbi infestant, rectè suscipitur, non absolvetur, nisi humoribus virulentis, illorum omnium fontibus & fomitibus prorsus exhaustis, quod unico præsidij genere usquequaque vix assequimur: ipsorum una non est substantia, nec sedes, nec indoles una. Hydragyrus consistentiâ tenuis, fluida, guttis dividi facilis, colore argentea & pellucida, cujus contactu manus livescit, non humescit, concretionis à frigore per se nescia, quovis corpore gravior, præterquam auro, cujus & cæterorum metallorum venenum est: in eorum tamen familiâ, & in medicamentorum purgantium censu (licet in eâ frigus & humiditas præpolleant) merito reponitur, eam purgandi facultatem à naturâ nacta est, quâ ne ulatione quidem spoliari potest, verum in ejus cinere superstes persistat, multò etiam quàm antea vehementior & perniciosior: ut in actum erumpat interno ventriculi calore opus non habet, sufficit externus etiam extremorum artuum, quorum illitu non quivis promiscuè humores, sed crassi & glutinosi è toto corpore in alveum intestinorum per alvum deturbandi, vel maximè propriâ atque vi insitâ in os expuendi derivantur: non attracti, sed propulsi tantâ interdum copiâ, ut tormenta intoleranda exciteat & strangulatus metum incutiant. Ad hunc impulsu non parùm inter cætera conducit humorum visciditas & crassities, quibus destituti protrudentis impetum eluderent, ut ichor tenuis in pulmonum bronchia illapsus occurrentis spiritus vehementiâ in asperam arteriam repulsus & sublatu disilit nec extunditur; atque hi quò tenuiores & longiùs à faucibus absunt partibusque durioribus & solidioribus altius infixi, ægriùs cedunt propellenti medicamento, quod foris quâcumque ratione adhibeatur & assumatur ptyelismum in quibusdam naturis, constitutionibus & ætatibus vix ac ne vix quidem concitabit.

V.

INTER morbos essentiâ suâ, causæ indole, partis affectæ dignitate & symptomatum gravitate magnos vix ullus est, qui certius eo laboranti funestus sit futurus, si naturæ absque artis subsidio sanandus relinquatur, quam lues venerea, nullus quoque qui rectè convenientique remedium usurpatione certius profligetur. Idem statuere de morbis omnibus ab ipsâ è natis nefas. Vvulæ perrosæ damnum nec ars, nec natura valet reparare. Os palati carie pertusum nusquam coalescit, in locum nasi putrila-

gine decidui aliud non sufficit natura; hujus cartilago maximâ ex parte erosa non refarcitur. Vteri ulcus carcinædes curationem, multô minus sanationem non admittit. Certitudo hæc syphilidis notitiâ & propriorum illius remedium virtute & efficacîa nititur: ab eâ ad integram valetudinem reditus medicinæ opus, illius *carcinædes*, vel reversionis metus ægrotantis vitium, vel medentis error: ab imperfectâ per hydrargyrum curatione virus residuum luis venereæ fermentum in internis corporis partibus restitit & in iis sopitum diu delitescit, priusquam malignitatis suæ notas proferat, nec nisi multo labore & tempore extinguitur vel excernitur: at quod superstes est à curatione per hidroticorum usum tentata in externis hæret partibus, brevique temporis intervallo sui fidem facit macularum in cute pustularum, tuberculorum, vel ulcerum in ore & faucibus eruptione, atque oculis minorique negotio radicitus evellitur & ita discutitur, ut recursus nullum sublit periculum: in quod ægrorum plurimos adducunt, qui unâ hydrargyro omnem syphilidem nullâ habitâ tatione humoris, à quo fovetur, aut excitantur omnia ejus symptomata, nec satis perspectâ & cognitâ ægrotantium naturâ; constitutione & ætate curandam suscipiant. Quod se unico pyelismo perfecturos confidunt, sed incautum, is nec humoris est tenuis, nec eum provocari sinit quævis natura, constitutio & ætas. Ejus itaque vices suppleant hidrotica hausta & admota, quibus tenuis humor omnis veneni venerei labe pollutus, cuicumque corporis parti etiam durissimæ & densissimæ penitus infixus protrusus & elicitus foras evocatur & in sudores ubertim toto corpore erumpentes & manantes resolutus exploditur, ut à nativâ suâ temperie digressæ partes idoneo rerum non naturalium usu in integrum restituantur.

Ergo hydrargyro quæ non cedit Syphilis, hidroticis percuranda.

DOMINI DOCTORES DISPUTAVRI.

M. Philippus Dousé.

M. Nicolaus Morin.

M. Franciscus de la Chambre,
Medicus Regis ordinarius.

M. Alanus Lamy.

M. Claudius Quartier.

M. Franciscus Landrien.

M. Claudius Perraut.

M. Tassanus Fontaine.

M. Franciscus Pajot.

Proponebat Lutetiæ CLAUDIUS PUYLON; Parisinus
A. R. S. H. M. DC. LXX.

PARISIIS,

Ex Typographia FRANCISCI MUGUET, Regis ac Illustrissimi Archiepiscopi
Parisienfis Typographi.